

竹莊小景

清源胡仲參希道

宮怨

淚粉羞臨寶鑑前
淡粧爭似舊嬋娟
一言曾忤君王意
閑在長門十五年

寄竹院方丈孚師

江湖歲月已消磨
振錫歸來鬢欲皤
性懶吟編多散逸
門閑俗客少經過
虛檐破處懸蛛網
落葉空中見鳥窠
一片師心誰會

得半窓竹影綠婆娑

郊行暮歸

吟罷歸來興欲狂，重城半掩傍昏黃。
鐘聲遙動山靈答，月魄未高人影長。
竹葉淺斟杯量窄，梅花滿插帽簷香。
不妨竟日酬心賞，繞到明朝事又忙。

竟日當作竟夕

偶得

欲問梅花信，山寒去未能。
靜思天外句，坐對夜溪燈。
戒酒頻添衲，煎茶旋鑿冰。
月殘霜又落，無復叩門僧。

醜婦吟

君不見漢殿丹青未漫滅，馬上琵琶向誰說。
又不見華清舞破霓裳衣，凌波竟墮鬼山血。
從來艷色多累身，妾貌雖醜心自悅。
幽閨到老無人知，白髮如絲鏡如鐵。

晚雨

勃姑鴉舅叫樓西，春色陰晴景不齊。
濃墨四垂收未起，明邊一片夕陽低。

端午

千年流水去滔滔此日人來弔汨羅江上
畫船無買處閉門風雨讀離騷

山中作

村居優野性况復是清秋爲愛山間好因
成旬日笛林深喧鳥雀露重滴松楸昨夜
新寒入篝燈覆敝裘

入京第一程

六載館杭州重來訪舊遊山中纔過雨客
裡又驚秋嵐氣蒸衣濕泉聲激石流功名
苦行役羞見渡傍鷗

道中早發

未曉催行色微吟獨據鞍露垂星影濕月
淡水光寒犬吠知村近雞鳴覺夜殘親闈
在何許誰念客衣單

秋晚汎湖

載酒湖邊買小舟水光山色解人愁短籬
寂寂菊花晚兩岸蕭蕭楊柳秋落日波間

收戲鼓暮烟林外出歌樓倚闌長嘯西風
裡驚起前汀雙白鷗

試後書懷

踏遍天涯路春三秋又三文章與時背言
語對人慙湖海氣何饒山林分未甘闕僧
時過我揮麈共玄談

夜坐偶成

一字吟難穩沉沉夜向闌燈明妨短髮衣
薄犯新寒千里家山遠三年客路難明朝
有佳僂尺帟報平安

送諸葛春卿還鄉里

扁舟分袂出湖濱我向吳中君向闕自笑
吟身猶是客却來遠道送行人家山會友
憑傳語旅舍逢詩會拂塵天北天南相憶
處梅花毋惜一枝春

得家書

手剥鱗緘細細看北堂垂白喜平安爲憐
客裏多霜雪寄得衣來正及寒

雪晴汎湖

雪後湖清淺，令人心眼開。
林疎知寺近，水合礙舟回。
寒色欺吟鬢，斜陽入酒杯。
山行已清絕，况復是尋梅。

春晚見山茶花一枝獨開

荼蘼開盡見山茶，血色嬌春帶雨斜。
莫是今年逢閏月，東風吹到背時花。

山中口占三首

四野平田春水肥，前山隱隱帶殘暉。
千林晚色無人共，時有樵翁獨自歸。

躑躅花開野色濃，和風和雨卧叢叢。
城中只買零枝看，那似山頭滿樹紅。

飯罷呼僮旋煮茶，碁枰詩卷小生涯。
從今歎踏紅塵路，多在山間少在家。

夜坐即事

午夜空庭寂，心閒坐亦忘。
竹間風動靜，雲裡月行藏。
驚鵲出幽樹，寒螿語廢廊。
甌茶聊當酒，清氣入詩腸。

題墨梅竹

洗盡丹青料清高絕點埃數竿無韻竹一
樹不香梅與可今已矣補之安在哉千年
好風致喚上筆頭來

夜坐與伯氏葦航對床閱江湖詩

偶成一首

對床因話弟兄情話到山林世念輕凡上
江湖詩一卷窓前燈火夜三更茶經未展
神先爽香片纔燒味較清吟罷勿聞譙角
動石橋霜曉有人行

薄暮

薄暮抱幽獨無言倚小樓日沉千樹晚風
起一天秋警枕團新夢寒衣帶舊愁祇因
吟太苦餘病未全瘳

山行

石磴手難攀林深去復還人行啼鳥外僧
住白雲間野興生秋水吟魂繞暮山馬頭
風作惡潘鬢任闌珊

月夜聽琴效漁父詞

風入古松成節奏，泉奔幽磴響琮琤。琴中
彈意不彈聲，猛拂朱絃燈焰落。細敲玉版
夢魂清，啼鳥枝上月三更。

寒中偶題

酒對紅爐暖香凝，繡被溫。老天有私意，寒
不到朱門。

枕上得句寄潛君升

無奈蓬窓雷打聲，夢魂纒穩又還驚。枕衾
如許猶嫌冷，多少閨閤睡不成。

留宿陳氏書齋

因訪吟朋到竹居，春寒策策動窓虛。幾番
好雨偏留客，一盞青燈共讀書。徐孺舊曾
親下榻，陳遵見說好投車。與君靜夜評心
事，萬斛閒愁盡掃除。

遊白石山觀音寺

綠陰深處石橋橫，纔入山門意便清。林下
一僧無個事，時來倚樹聽泉聲。

與生上人

久住深山里相忘物外形逢人出好語入
定掩殘經古字碑成軸名詩榜作屏欲知
祖師意柏樹在中庭

生公以右軍帖軸之
几間渡以李涉遊雀

林寺詩爲
屏故云

雨中

愁坐黃昏掩客扉風翻霜葉滿庭飛孤燈
挑到寒更盡猶有行人帶雨歸

讀岳鄂王行實

飛鵲來何意英雄此日生山河張膽氣宇
宙載風聲一片堂中紙千年身後名至今
墳上木猶作不平鳴

和林梅臞西淙瀑布圖韻

瀑駛驚風雨危懸峭壁前臨流清客耳入
枕攬幽眠旁是龍爲廟高疑山有仙一塵
飛不到長似九秋天

喜郭希范自上庠歸

馬蹄明日是君家千里歸來傍節華幾夜

溪閣寒寂寂有人和泪卜燈花

用伯氏韻柬梅臞

楮拙爐前坐夜深
寒侵窓戶月西沉
冥搜天地無窮趣
寫盡江湖一片心
霜葉落邊添客思
梅花瘦處動高吟
就君欲問推敲訣
擬把清尊共細斟

柬竹院孚老

別來旬日許又過一分春
因感塵中事空懸物外人
吟清境盡語苦見情真
近况如何似篇詩得細論

送梅臞還三山

十年湖海上此日值梅兄
一見纔傾蓋相逢又問程
新編聯畫卷清話入詩評
從此雲山別因風時寄聲

題雪舟雲心二友吟卷

君詩何所似絕似晚唐時
寫出春雲狀融成白雪詞
百篇多態度二妙一襟期
與我

為三友他年題似誰

時二公約
刊三友集

清明

杯酒濃澆壠上春
東風吹起紙灰塵
可堪腸斷中原路
草掩荒丘不見人

寄黃雲

竹屋少行跡
閉門春晝長
天時半晴濕
人意共炎涼
苔蘚侵塔綠
荼蘼壓架香
冥搜尋杖屨
不爲看花忙

采桑女

葉滿筐箱花滿簪
低頭微笑出桑陰
後來若有秋胡子
說與黃金必動心

過永春縣

距城纔百里
世路便難平
碣石唐人墓
桃源晉地名
危譙依嶽勢
荒市帶溪聲
往日罹兵火
頽垣蔓草生

圩田

圩田依澗水
入夏未栽禾
不是春畊晚
山中寒氣多

閨中詞

寫就相思字燈前帶淚看欲緘還未忍少
待淚痕乾

聽盡芭蕉雨愁人夜不眠憑誰將此意爲
妾到郎邊

早發

早發六七里前途曙未分漁舟依岸住水
碓隔溪聞獨樹殘月空山半白雲清晨
那可駐日出又如焚

無題

露重濕征衣風急翻紗帽山下灌園人倚
鋤看馬導

過界首

幾重嶺隔幾重灣路入濛濛烟雨間獨立
溪橋重回首前頭已是劍州山

劍應
作建

思家

夜夢到山居回頭千里餘屢傳歸去信不
得寄來書小徑應添笋荒畦欠理蔬客程
頻得雨田里事何如

漁梁嶺禹廟

古今陳迹幾興亡
閩嶺何因祀夏王
莫是當年平水日
曾驅魚鱉渡漁梁

子陵釣臺後

自爲功名後
因思隱者賢
只行山後路
羞過釣臺前

西湖會上和趙靖軒韻

不著人間半點愁
每于勝處一凭樓
吟邊只欠林和靖
坐上追思馬少游
暈臉芙蓉
薄暮低眉楊柳
拂新秋
酒闌拍掌狂歌舞
自是忘機可狎鷗

秋意

梧葉飄殘客夢驚
擁衾危坐到天明
片心除是眉頭識
萬感都從念脚生
江上鱸肥銷旅况
樓前雁過帶邊聲
挑燈無語問商畧
謀國謀家底計成

還趙靖軒吟卷

借得君詩在紫頭
篝燈夜夜看銀鈎
苦吟

暗數秋夏盡何處笛聲人倚樓

重陽

漫浪江湖已十霜一秋強半又重陽可憐
白日渾閒度偶對黃花覺自傷客舍題詩
書感遇市樓沽酒慰淒涼登高不爲酌心
賞直欲凭闌望故鄉

夜來聞曾性之丘君就二友隔樓
吟聲不絕以詩柬之

月下歸來深閉門衾寒時倩博山溫隔樓
忽聽吟聲苦引得清愁入夢魂

問性之病

莫向推敲苦用心聞君病裡亦沉吟書燈
挑盡無人共藥鼎煎殘到夜深霜後菊花
方寂寂顰前梅事又駸駸相看咫尺如千
里幾度逢人問信音

過千頃寺訪谷隱長老

別久交情淡重來似舊時人生雲聚散世
事月盈虧茶具權行酒禪床借看詩漫天

多雪意預約撰梅期

性之尋梅歸來有詩因成一絕

處士門前廬徑深僅留佳句與人吟孤山
近日無行路跡影暗香何處尋

枕上偶成

客樓蕭索抱愁眠雁過聲聲到枕邊念脚
動如魚撥刺吟身寒似鷺聯拳匣中幸有
劉琨劍囊裡猶餘老杜錢忽憶西山山下
路夜淡霜露滴松阡

夾河中有矮道人日住小舟持咒

爲生人莫不異之者

道人神貌古雙鬢欲垂肩坐席容三尺浮
家住一船養生憑佛果持鉢信人緣早泊
橋梁下蓬頭起白烟

寄懶菴

天寒日短道路長白雲飛處知吾鄉大江
之東渭之北念我故人何可忘別來楊柳
春依依只今開到梅花香扁舟漫浪歸未

得京塵海裡安行藏身名未至仰天笑
牀頭夜夜鳴干將音錡羨師物外無寵辱庭有
栢樹常蒼蒼吁嗟念羽飛不到二千里外
空相望五雲前墜滿室光報師之意無以
將篇詩濃墨繞淋浪一聲雁過天南翔

偶得

挑燈伴寒夜兀坐竹爐邊赤脚知吟苦時
將山茗煎

和性之見寄韻

窓燭銷殘轉寂寥柴門無復野僧敲偶來
枕上吟詩就記向心頭欠筆抄鳴竹數聲
疑雪片尋梅清夢到山坳世情雲雨多翻
覆誰是江湖耐久交

遊山中

世途平處起波瀾輸與高僧占好山竹塵
直爲揮俗具槿籬虛設掩塵闌林泉有分
酬清供瓶錫無人伴此閒擺脫名韁須早
計半生猶得住雲間

寒夜作

生計尚茫茫微吟思故鄉
羈愁銷不盡寒夜未爲長
門掩梅花月禽翻竹葉霜
挑燈裁錦字明發有歸航

讀秦記

萬雉雲邊萬馬屯築來直欲障胡塵
誰知斬木爲干者只是長城裡面人

雪

凝雲商作雪頃刻滿天涯
片片疎還密霏霏整復斜
映窓疑月影着地似楊花
四望渾同色微茫認點鴉

用馮溪居韻題莆陽章氏琛翠樓
百尺危樓渺海寰闌干十二盡青山
烟光濃淡藏多景野水周遭匝四環
勝地只宜騷客住老天未放主人閒
憑誰說與九仙道方丈移來在此間

書懷呈曾性之

覽鏡歎頭顱梅花一樣臞
病因吟後有愁

到醉邊無心事歸梁燕年華逼隙駒世途
難着脚况復是江湖

和伯氏春雨中韵

癡寒脉脉整晴莎春漸三分景未和待得
濃陰收拾後花邊春色已無多

兩隄楊柳拂新亭恠底遊人懶踏青手撚
梨花成小立半窓湖水雨冥冥

寄梅臞

別去忽經旬春風閱二分幾番吟對雨獨
自暗思君客裡加頻病愁遠駭近聞倚闌
商不得心目亂于雲

和伯氏包山觀桃花韻

因訪桃花到嶺根御床春色此平分千株
未數栽唐觀一幅猶堪畫晉源仙在雲間
無處覓人行風外有香聞笙簫隱隱宮城
隔立盡黃昏更斷魂